

րայ Սախրա կոչեցեալ, և այրեաց զմի մասն ձեղուան նս-  
րին, եւ Սուլթանն ետ նորոգել զայն: Սա եբարձ հրու-  
վարտակաւ զգրկանս և զանիրաւութիւնս 'ի բնակչաց Ե-  
րուսաղէմի, և ետ գրել զայն 'ի վերայ արձանի և ագու-  
ցանել յորմն Տաճարին մերձ 'ի դուռն Սինսիլէ կոչեցեալ:  
Յետ այնորիկ առաքեաց զմի ոմն 'ի մեծամեծաց իւրոց  
հրովարտակաւ յերուսաղէմ, 'ի քննին առնուլ զվանօրայս  
քրիստոնէից, քակել և կործանել զնոր շինուածս եթէ  
զաանիցէ 'ի նոսա: Եկեալ առնն քակեաց զտեղիս ինչ,  
զոր շինեալ էին Լատինք 'ի Սիօնի, էաւ 'ի ձեռաց նոցա  
զգերեզմանն Դաւթի. և բրեալ եհան զոսկերս կրօնաւո-  
րաց, որք թաղեալ էին առ շիրմաւ նորին: Եւ առ զմի  
մասն վանաց Ատորոց և կարդեաց զայն 'ի մզկիթ, բա-  
րուրելով թէ՛ յառաջմանէ լեալ իցէ նա մզկիթ և մտեալ  
'ի վանս, և յանձն արար Շէյխի ուրումն լինել աղօթարան  
այլազգեաց. քակեաց զնոր շինուածս վանաց Բեթղէհէմի,  
և տաճարին Ս. Յարութեան, եբարձ անտի զխայտաչէն  
վանդակն (Տրապիզին) որ 'ի շրջապատս մեծի գմբէթին,  
և ետ տանել զայն 'ի մզկիթն Օմարոց բազմութեամբ և  
աղաղակաւ, արար քննութիւն բովանդակ վանօրէից քրիս-  
տոնէից, եւ կործանեաց զնոր շինուածս զորս եգիս 'ի  
նոսա: Յաւելու Արաբացի պատմիչն թէ՛ 'ի ամին ժամա-  
նակի անկեալ էր երկպառակութիւն և խռովութիւն 'ի  
մէջ քրիստոնէից (1468). 'ի թուին Հիճրէթի՝ 107:

Սոյն այս Մէլիք Ջահր՝ որ էաւ զԳողգոթայն 'ի ձեռաց  
Հայոց և ետ զայն ազգին Վրաց, արար և բարութիւնս  
ինչ միաբանացն Հայոց՝ զոր խնդրեցին 'ի նմանէ, զի 'ի  
ամին ժամանակի այլազգիք կամէին 'ի կապալի (տաման)  
առնուլ զվանս Ս. Յակոբայ, եւ արկանել զայն ընդ քա-  
ղաքական հարկաւ. սա արգել հրովարտակաւ և անիծիւք  
փակեաց զայնալիսի զրկանս և զանիրաւութիւնս որոց հը-  
նարեն, որոց պատճէնն արձանագրեալ կայ 'ի ներքին  
կողմ՝ արտաքին մեծի դրան վանաց 'ի ճակատ որմոյն,  
որ ունի օրինակ զայս:

روز مرسوم مولانا السلطان الملك الظاهر ابو سعيد محمد جقمق  
عز نصره بابطال ما احدهه ابو الخير ابن النحاس من ضمان مار يعقوب